

中国边疆研究资料文库·边疆史地文献初编

西北邊疆

第二輯

中国边疆研究资料文库·边疆史地文献初编

西北邊疆

第二輯

阿城興革稟稿

阿城興革稟稿

光緒二十九年
兩月

敬稟者 竊照溫宿州王署牧稟請仿照疏勒州章程開採煤炭以代柴薪而蘇民
為咨呈事

因各緣由謹奉

憲台 鈔由批行內開該州及烏什庫車等屬派辦柴薪苦累實甚前據黃署道
撫憲

面稟擬於到任後飭覓炭苗設法開挖併將運腳等項詳候核辦據稟各情仰

候黃署道抵任稟詳核奪可也等因奉此伏查東四城各屬惟溫宿州駐營較多

樹林較遠戶民供支燒柴搜運到城疲於奔命困苦殆難言狀地方官早思變計而

辦理不得其宜以故久無成效

憲台 體念民艱諄諄面諭是籌辦炭務最為要圖 啟署道
撫憲 接篆後查察情形

僉稱卅屬可力峽炭質甚佳運道平坦附近居民挖取炊爨炭山綿亘數十里掘下丈餘盡是好炭可卜取不盡而用不竭且不必深開窑洞無虞崩塌炭山距卅城二百六十里於近山數十里駝運經行之處間須修治已經該卅查明須費工二百人二十日竣事此即諭飭驛目督同莊戶承修由卅發給食糧麥麵六千觔以資工作擬請核銷其報一面派員履勘運行無阻取炭過日試燒合用而商

黃鎮萬鵬

暨營旗

黃總鎮

各官均極力從速期在必行現已招商承運墊給成本購辦駝隻山戶挖炭器具亦暫由公家借領成本製辦所有各營旗領燒應需爐橋鏟鈎等件均願一律自備毋庸公家津貼俟運足三個月炭船再行分發領燒停止採柴大張曉諭永

遠示禁統候辦理就緒武營業已領燒一切收發自應責成溫宿州督同委員經理

仍由 敢署道

督率查核茲謹仿照喀什辦法參酌本處情形縷晰條陳開具清摺

隨文

附貴 是否有當理合稟請

憲台鑒核批示祇遵再炭局委員擬派董令克昌侯奉

批覆再行給委除咨呈藩司外肅此具稟恭請

福安伏乞

垂鑒 謹稟

計呈清摺一扣

稟開辦炭務條陳事宜開具清摺請核示由

稟撫部院陶

云前隨大咨達

貴司酌核辦理除逕稟

撫憲外相應咨明為此咨呈

貴司謹請查照仍希見覆施行須至咨呈者

右咨呈

布政使司饒

謹將採運燒炭各事宜條陳十則開摺

呈覽
咨呈

鑒核
查核
須至摺者

一營署燒炭宜查明估定也查阿城現駐步隊二營一旗馬隊三旗礮隊一哨步

隊每營月需炭二萬四千觔每旗月需炭一萬八千斤馬隊每旗月需炭七

千斤礮隊一哨月需炭五千斤鎮署月需炭一萬觔共月需炭十萬觔加以

道署卅署月需炭二萬斤共月需炭十二萬斤歲共需炭一百四十四萬斤遇

有隊伍加增再行籌運

一運炭駱駝宜酌定數目也查阿城至炭山共二百六十里由新城至札木台九十里

又七十里至鹽山口路俱平坦又一百里至可立峽炭窑山石嶺峻中隔大河每年從

八月起至次年三月可以挽運四月至七月駱須歇廠按歲需炭一百四十四萬斤

作八個月攤運每月應運十八萬斤查途程二百六十里往來裝卸需八日每駱一

隻每月往返轉運三次半每次牽算能運炭二百五十斤合三次半能運八百七

十斤按月需一十八萬斤扣算應需駱二百隻遇有倒斃隨時買補足數

一山價運費宜從寬酌定也查喀什稟定山價每萬四兩運費每萬二十六兩此間

途程尚遠十里不過河水較小糧草略賤酌定山價照每萬四兩給發運費照喀

什略減擬定每萬給銀二十四兩合山價運費統計每萬斤共需銀二十八兩擬請各營旗領炭每萬斤扣價銀十五兩另請由公中津貼銀十三兩以示體恤文署燒炭照價自備不在此列合計武營每年由公中津貼一千五百餘兩炭局委員夫役工食另外開支

一挖炭民夫宜撥定莊戶也查可立峽炭廠附近百里內外有民莊兩處一哈哈密什莊計百三十八戶數斯坦伯依莊計百三十戶擬飭該兩莊戶民輪流專司挖炭此外各項雜差一概免派出示曉諭以均勞逸另飭該兩莊保長督率興辦所得山價除添製器具及食用外按工勻攤以杜中飽并嚴禁攤派民夫及銀糧等

事免欽法立弊生

一運繳煤炭宜擇殷商包辦也現已招有纏商四人具結包運先飭採辦駱駝一百隻領成本銀一千五百兩一俟運開諸民見收炭發價諸從平允其有駝之戶可不招而來推而廣之當自易易外挖炭保長二人請領製辦器具成本銀一百兩二共墊發成本銀一千六百兩暫由道庫善後項下開支容由炭價陸續收還歸款一收發炭船宜專責成也脚夫繳炭各處領燒若圖簡便令其彼此交涉難免不滋弊端擬請委員設局專司其事委員一名月給銀十二兩書識一名月給銀六兩油燭紙張銀四兩均不扣建秤手一名月給銀伍兩收發煤炭夫役一名給

銀三兩均扣建食糧在內不必另給凡繳炭領炭一出入必須局中經手

一武營炭價須分別劃扣也武營領炭若干扣價若干擬按季由卅署查明實數

分別報明 鎮署於各營旂餉項內分別劃扣其公中津貼銀兩亦由卅按季將支

發數目申報

一引大柴薪擬由各營署自採也查阿城駐防營旂無多所需引大柴薪購買亦易

即由各營旂自行零買照市價給發此後煤炭運開窮民販賣柴薪藉以餬口

者當亦不少免卅署另自設局

一運商繳炭不准營署截收以歸劃一也查商民運炭到城若各營署攔路截

收恐秤收輕重不一民有虧折勢必裹足擬定概由炭局收發以昭公允惟駐紮老城馬隊所需炭觔若概由新城領取往返徒勞擬令由運商做二次運送老城報明炭局委員帶秤手前往秤收撥收發以期兩便

一收發炭觔不准浮收短發以免刻扣也炭局收發均用湘秤不准兩岐擬由道署印發三聯票一存根一賁核一發票炭局填發用漢回字載明駝隻若干扣價若干存根留局備查裁賁核發票兩聯給運商持至州署領價由州署將賁核截留按季賁道核查商民祇收發票俾自知繳炭數目惟民夫自顧料草自買不准向民間攤派多一番查核少一分弊實庶可垂之久遠

撫憲批

興利除弊每相因而見阿克蘇採挖炭煤為利既溥派辦柴薪之弊亦不禁自絕
閱稟及摺開各則核與喀什採運章程大致相同其間斟酌損益尤見悉心籌
畫俾臻妥善修路需用麵筋准由溫宿州支發具報招商駝運購買駝隻及
炭戶製炭辦器具各成本應暫由道庫借發陸續扣還歸款惟挖炭民夫撥定
莊戶則查各戶壯丁多寡不一貧富亦屬不齊是否能挖是否願挖均難一
致如必按戶輪撥恐不免有雇人赴工出銀免挖各情事應由該署道加意體察
毋任稍滋擾累其餘各則均如所擬辦理仰即轉飭王署牧並移會黃總鎮

分行各營旂一體照辦再烏什庫車等屬柴薪之費採運之艱或甚如溫宿如
何迺覓炭煤興工開挖應即接續籌辦詳請酌奪繳摺存

為詳覆事竊照日稟請開辦煤炭停止採薪以蘇民困并條陳各事宜俱蒙

憲台批准照辦惟挖炭民夫撥定莊戶則奉

批指示以各戶壯丁多寡不一貧富亦屬不齊是否能挖是否願挖均難一致如必按戶輪撥恐不免有雇人赴工出銀免挖各情事飭加體察毋任稍滋擾累具徵

憲慮周詳無微弗入遵即飭派要人進山查察回稱山內挖炭情形係由保長督率

輪派似覺夫役頗多而出力者轉少至炭夫口食曾經核定雖未必遽有刻扣難免

日久無弊等語是指莊輪撥一層既滋弊端又難得力現已擬改章選派熟習

挖炭之漢夫頭二人為之董役在於炭山就近各莊內雇募炭夫三十五名每日